

ՎԵՐԱՊԱՏՐԱՍՏՈՂ ԿԱԶՄԱԿԵՐՊՈՒԹՅՈՒՆ

«Գյուլբուրու թիվ 38 հիմնական դպրոց» ՊՈԱԿ

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

Թեմա՝ Սովորողների քննադատական մտածողության զարգացումը
պատմություն առարկայի ուսուցման մեջ

Կատարող՝

Հունոյան Լիլիթ Թորգոմի

/անուն, ազգանուն, հայրանուն/

«Գյուլբուրու թիվ 30 հիմն. դպրոց »ՊՈԱԿ պատմության ուսուցիչ

/դպրոց, մասնագիտությունն ըստ վերապատրաստման խմբի/

Ղեկավար՝

Կարինե Ալեքսանյան

/անուն, ազգանուն /

ԲՈՎԱՆԴԱԿՈՒԹՅՈՒՆ

<u>ՆԵՐԱԾՈՒԹՅՈՒՆ</u>	3
<u>Գլուխ1 Բննադատական մտածողության էությունը և նշանակությունը</u>	4
<u>Գլուխ 2 Բննադատական մտածողության զարգացումը պատմության դասախմբման ընթացքում</u>	9
<u>ԵԶՐԱԿԱՑՈՒԹՅՈՒՆ</u>	13
<u>Օգտագործված գրականություն</u>	14

ՆԵՐԱԾՈՒԹՅՈՒՆ

Շատ դժվար է ժամանակակից աշակերտներին դրդել ճանաչողական գործունեության՝ տեղեկատվության և հաղորդակցության նպատակին հասնելու ուղի գտնելու համար: Դա տեղի է ունենում այն պատճառով, որ երեխաները լուրջ դժվարություններ են ունենում դպրոցական առարկաներից ուսումնական նյութի ընկալման հարցում: Մրա պատճառը մտածողության զարգացման ոչ բարձր մակարդակն է և, առաջին հերթին, քննադատական մտածողության:

Քննադատական մտածողությունը մարդու կարողությունն է օբյեկտիվորեն գնահատելու սեփական և այլ մարդկանց մտքերը, ուշադիր և համակողմանիորեն ստուգելու բոլոր առաջադրված դիրքորոշումներն ու եզրակացությունները:

Թեման արդիական է քանի, որ քննադատական մտածողությունը օգնում է մարդուն որոշել իր առաջնահերթությունները անձնական և մասնագիտական կյանքում: Ենթադրում է անհատական պատասխանատվության ընդունում կատարած ընտրության համար, բարձրացնում է տեղեկատվության հետ աշխատելու անհատական մշակույթի մակարդակը, ձևավորում է վերլուծելու և ինքնուրույն եզրակացություններ անելու, սեփական որոշումների հետևանքները կանխատեսելու և դրանց համար պատասխանատու լինելու կարողությունները:

Թեմայի նպատակն է ուսումնասիրել սովորողների քննադատական մտածողության զարգուցումը պատմություն առարկայի ուսուցման մեջ: Աշխատանքում առաջադրվել է հետևյալ խնդիրը, ինչպե՞ս զարգացնել քննադատական մտածողությունը պատմության դասերին:

Աշխատանքի կառուցվածքն իր մեջ ներառում է ներածություն, երկու գլուխներ, եզրակացություն և օգտագործված գրականություն:

Գլուխ1 Զննադատական մտածողության էությունը և նշանակությունը

Զննադատական մտածողությունը ապացույցների համակարգ է, որը կիրառվում է իրերի և իրադարձությունների վերլուծության համար՝ տալով հիմնավորված եզրակացություններ, ստեղծում է հիմնավորված գնահատականներ, մեկնաբանություններ տալու հնարավորություն, ինչպես նաև իրավիճակին և խնդրին համապատասխան ճշգրտորեն կիրառել ստացված արդյունքները¹:

20-րդ դարի սկզբին առաջին անգամ քննադատական մտածողությունը դիտարկվել է որպես կրթական նպատակ փիլիսոփա Ջոն Դյուիի կողմից, որը «քննադատական մտածողություն» հասկացության փոխարեն առավել հաճախ կիրառում էր «անդրադարձական մտածողություն» հասկացությունը²: Ջ. Դյուին այն սահմանում էր որպես «ցանկացած գաղափարի կամ ենթադրյալ գիտելիքի ակտիվ, համառ և հետևողական քննարկում, որն իրականանում է այդ գիտելիքի վերլուծության հիմքով, և որը միտված է հետագա եզրակացությունների հանգեցումն»:

Չնայած այն համընդհանուր համաձայնությանը, թե որքան կարևոր է քննադատական մտածողությունը, վերջինիս միասնական սահմանում, թերևս, չկա³: Հայերենում խնդիրն առավել բարդ է, քանի որ տերմինը հայերեն է թարգմանվում անգլերենից, և գոյություն ունեցող թարգմանությունը հաճախ չի արտացոլում այն ընդգրկուն հասկացությունը, որը ներդրված է անգլերեն տերմինի մեջ: Այսպես, հայերենում «քննադատական մտածողությունը» ենթադրում է պարտադիր քննադատություն և անհամաձայնություն խնդրի առարկայի շուրջ, մինչդեռ անգլերենի «critical thinking» արտահայտությունն առավել ընդգրկուն է և ենթադրում է քննողական մոտեցում, այսինքն, խնդրո առարկայի բազմակողմանի քննարկում: Հետևաբար, առավել նպատակահարմար կլիներ, եթե «critical thinking»-ը թարգմանվեր «քննողական մտածողություն»:

Զննադատական մտածողությունն կարել է ասել ունի երկու բաղկացուցիչ մաս՝ առաջինը ենթադրում է ինֆորմացիան և համոզմունքները գեներացնելու և վերամշակելու հմտությունների ամբողջություն, իսկ երկրորդը՝ այդ հմտություններն օգտագործելու սովորույթն է, որի արդյունքում ձևավորվում է սեփական վարքագիծն ուղղորդելու հիմքը:

¹ <http://evolkov.net/critic.think/basics/delphi.report.html> 25.09.22

² Dewey J., How we think, Boston, 1910

³ Ա. Անափիոյան, Զննադատական մտածողություն ձևավորող կրթությունը որպես կանխակալ մտածողության արդյունքում ծագած հակասությունների կարգավորման գրավական, 2012

Քննադատական մտածողությունը մարդու ինտելեկտուալ գործունեության տեսակներից մեկն է, որը բնութագրվում է ընկալման, ըմբռնման, իրեն շրջապատող տեղեկատվական դաշտի նկատմամբ մոտեցման բարձր մակարդակով⁴:

Ինչպե՞ս կարելի է սահմանել քննադատական մտածողությունը: Դեյվիդ Զլուսթերը առաջարկում է հինգ կետ, որոնք սահմանում են այս հայեցակարգը⁵

1. Նախ, քննադատական մտածողությունը ինքնուրույն մտածողություն է: Երբ դասը հիմնված է քննադատական մտածողության սկզբունքների վրա, յուրաքանչյուրը մյուսներից անկախ ձևակերպում է իր գաղափարները, գնահատականներն ու համոզմունքները: Ոչ ոք չի կարող մեզ համար քննադատաբար մտածել, մենք դա անում ենք բացառապես մեզ համար: Ուստի մտածողությունը կարող է լինել քննադատական միայն այն դեպքում, երբ այն ունի անհատական բնույթ: Աշակերտները պետք է բավականաչափ ազատություն ունենան ինքնուրույն մտածելու և նույնիսկ ամենադժվար հարցերը ինքնուրույն լուծելու համար: Այսպիսով, ինքնուրույնությունը քննադատական մտածողության առաջին և ամենակարևոր բնութագրիչն է:

2. Տեղեկատվությունը քննադատական մտածողության ելակետն է, ոչ թե վերջնակետը: Գիտելիքը մոտիվացիա է ստեղծում, առանց որի մարդը չի կարող քննադատաբար մտածել: Քննադատական մտածել հնարավոր է ցանկացած տարիքում՝ դրա համար բավականաչափ կենսափորձ ու գիտելիքներ ունեն ոչ միայն բարձր դասարանի աշակերտները, այլև առաջին դասարանցիները: Իհարկե, երեխաների մտածողության կարողություններն ավելի կզարգանան մարզումների ընթացքում, բայց նույնիսկ փոքր երեխաները կարողանում են քննադատորեն և բավականին ինքնուրույն մտածել: Իրենց ճանաչողական գործունեության ընթացքում աշակերտներն ու ուսուցիչները քննադատական արտացոլման են ենթարկում յուրաքանչյուր նոր փաստ: Քննադատական մտածողության շնորհիվ է, որ ճանաչողության ավանդական գործընթացը ձեռք է բերում անհատականություն և դառնում իմաստալից, շարունակական և արդյունավետ:

3. Քննադատական մտածողությունը սկսվում է հարցեր տալուց և լուծելու կարիք ունեցող խնդիրների պարզաբանումից: Մարդիկ իրենց բնույթով հետաքրքրասեր են: Մենք նոր բան ենք նկատում և ուզում ենք իմանալ, թե դա ինչ է: Ինչպես նշում է Ջոն Բինն աշակերտներին քննադատական մտածողություն ուսուցանելու հիմնական նպատակն է օգնել նրանց ուսումնասիրել մեզ շրջապատող խնդիրների անվերջ բազմազանությունը: Բրազիլացի մանկավարժ Պաուլո Փրեյրը կարծում է, որ դասավանդումը շատ ավելի

⁴ Кабанова – Меллер Е.Н. Формирование приёмов умственной деятельности умственного развития учащихся. – М.: Просвещение, 1968

⁵ Клустер Д. Что такое критическое мышление.—М. : ЦГЛ, 2005.

հաջող կլինի, եթե աշակերտները սեփական կյանքի փորձի հիման վրա ձևակերպեն խնդիրները, այդ թվում՝ տնտեսական, սոցիալական ու քաղաքական, և հետո լուծեն դրանք՝ օգտագործելով դպրոցի ընձեռած բոլոր հնարավորությունները: Ֆրեյրը հատուկ ուշադրություն է դարձնում անձի զսպմանը:

4. Քննադատական մտածողությունը փնտրում է համոզիչ հիմնավորում: Քննադատաբար մտածողը գտնում է խնդրի իր լուծումը և հիմնավորում է այդ լուծումը ողջամիտ, հիմնավոր փաստարկներով: Նա նաև տեղյակ է, որ նույն խնդիրն այլ լուծումներ ևս ունի, և փորձում է ապացուցել, որ իր ընտրած լուծումն ավելի տրամաբանական ու ռացիոնալ է, քան մյուսները: Փաստարկներից յուրաքանչյուրն իր հերթին հիմնավորված է ապացույցներով: Որպես ապացույց կարող են օգտագործվել վիճակագրական տվյալները, հատվածները տեքստից, անձնական փորձը և ընդհանրապես այն ամենը, ինչ խոսում է այս փաստարկի օգտին և կարող է ընդունվել քննարկման մյուս մասնակիցների կողմից: Փաստարկը հաղթում է, եթե հաշվի է առնում հնարավոր հակափաստարկների առկայությունը, որոնք կա՛մ վիճարկվում են, կա՛մ թույլատրելի են ճանաչվում: Այլ տեսակետների ճանաչումը միայն ուժեղացնում է փաստարկը:

5. Քննադատական մտածողությունը սոցիալական մտածողությունն է: Յուրաքանչյուր միտք փորձարկվում և գտվում է, երբ այն կիսվում է ուրիշների հետ: Երբ մենք վիճում ենք, կարդում, քննարկում, առարկում և կարծիքներ ենք փոխանակում այլ մարդկանց հետ, մենք ճշգրտում և խորացնում ենք մեր սեփական դիրքորոշումը: Հետևաբար, քննադատական մտածողությանը համահունչ աշխատող ուսուցիչները միշտ փորձում են իրենց դասերին օգտագործել բոլոր տեսակի գույգերով և խմբային աշխատանքներ, ներառյալ բանավեճերն ու քննարկումները, ինչպես նաև աշակերտների գրավոր աշխատանքի տարբեր տեսակների հրապարակումը:


Քննադատական մտածողությանը համահունչ աշխատող ուսուցիչները մեծ ուշադրություն են դարձնում կարծիքների արդյունավետ փոխանակման համար անհրաժեշտ որակների ձևավորմանը՝ հանդուրժողականություն, ուրիշներին լսելու կարողություն և սեփական տեսակետի համար պատասխանատվություն: Այսպիսով, ուսուցիչներին հաջողվում է ուսումնական գործընթացը շատ ավելի մոտեցնել իրական կյանքին, որը տեղի է ունենում դասասենյակի պատերից դուրս: Յանկացած մանկավարժական գործունեություն, ի վերջո, ուղղված է հասարակության կերտմանը, և այս առումով նույնիսկ քննադատական մտածողության հիմունքներով պատրաստված դպրոցական մեկ դասարանը քայլ է դեպի մեծ նպատակներ:

Ռոբերտ Էննիսը իր՝ «Քննադատական մտածողության գնահատումը» հոդվածում նշում է, որ քննադատաբար մտածելու ժամանակ անհատը, որպես կանոն, իրականացնում է հետևյալ քայլերը⁶

- գնահատում է ինֆորմացիայի աղբյուրի հավաստիությունը,
- վեր է հանում եզրակացությունները, պատճառները և ենթադրությունները,
- գնահատում է փաստարկի որակը՝ հաշվի առնելով ներկայացված հիմնավորումները, ենթադրություններն ու վկայությունները,
- մշակում և պաշտպանում է խնդրի նկատմամբ սեփական դիրքորոշումը,
- հարցերի միջոցով հստակեցնում է խնդիրը,
- փորձարկում է սեփական դիրքորոշումը,
- եթե անհրաժեշտ է, սահմանում է համապատասխան եզրույթները,
- լինում է լայնամիտ և տեղեկացված, ինչպես նաև, երբ արդեն վստահ է իր տեսակետի մեջ, զգուշավորությամբ, բայց կատարում եզրահանգումներ (Ennis, 1993):

Էննիսի մատնանշած վերոնշյալ քայլերը կարող են ծառայել ամենատարբեր նպատակներին, այդ թվում կարող են հիմք հանդիսանալ քննադատական մտածողությունը չսփող թեստ կազմելու, ուսումնական պլան կամ քննադատական մտածողություն զարգացնող հատուկ առարկա մշակելու և այլ նպատակներով:

Քննադատական մտածողության ընթացքում անհրաժեշտ է՝



⁶ Ա. Անափիոյան, Քննադատական մտածողություն ձևավորող կրթությունը որպես կանխակալ մտածողության արդյունքում ծագած հակասությունների կարգավորման գրավական, 2012

Քննադատական մտածողության տեխնոլոգիայի կիրառման ընթացքում առանձնացնում են ուսուցման երեք փուլեր՝ խթանում, իմաստավորում, կշռադատում⁷:

Առաջին փուլը մարտահրավեր է, երբ խնդիր է դրվում՝ հետաքրքրել աշակերտին, մոտիվացնել նրան հետագա աշխատանքի համար: Ուսուցիչն հանդես է գալիս ուղղորդողի և սովորողների մտածողությունը խթանողի դերում:

Երկրորդ փուլը նույն ըմբռնման փուլն է: Այս փուլում աշակերտները աշխատանք ենք կատարում տեղեկատվության հետ⁸: Աշակերտների առջև դրված խնդիրների ինքնուրույն լուծումը, սեփական կարծիքները հիմնավորելու և ապացուցելու կարողությունը նպաստում են հետազոտական գործունեության ակտիվացմանը, դասի նկատմամբ ճանաչողական հետաքրքրվածության զարգացմանը:

Երրորդ փուլում տեղեկատվությունը վերլուծվում, մեկնաբանվում, ստեղծագործաբար մշակվում է:

⁷ https://xn--j1ahfl.xn--p1ai/library/tehnologiya_razvitiya_kriticheskogo_mishleniya_na_uroka_193114.html
27/09/22


⁸ КОСТЯКОВ О.С. , Приемы технологии развития критического мышления на уроках истории и обществознания, Республики Крым

Գլուխ 2 Քննադատական մտածողության զարգացումը պատմության դասավանդման ընթացքում

Ինչպես նշեցինք քննադատական մտածողությունը դա դիտարկման, փորձի, դատողության, պատճառաբանության և հաղորդակցության միջոցով հավաքած ինֆորմացիան ակտիվորեն և հմտորեն համակարգելու, կիրառելու, վերլուծելու, սինթեզելու և գնահատելու մտավոր գործընթաց է:

Ուսուցիչները կիրառում են տարբեր մեթոդներ աշակերտների քննադատական մտածողությունը զարգացնելու նպատակով: Ներկայացնեմ այդ մեթոդներից մի քանիսը, որոնք կիրառել են պատմություն առարկայի դասավանդման ընթացքում:

Քննադատական մտածողության զարգացման նպատակով հաճախ դասապրոցեսի ընթացքում կիրառում են վեների դիագրամը:



Գծապատկեր 5 Վեների դիագրամի կառուցվածքը⁹

Այս մեթոդի նպատակն է նյութի ամփոփման և ընդհանրացման ժամանակ՝ գաղափարները, երևույթները, անձերին միմյանց հակադրելը կամ դրանց ընդհանրությունները ցույց տալ¹⁰: Այն կառուցվում է երկու կամ ավելի շրջանաձև պատկերների միջոցով, որոնք հատման մեծ մակերես ունեն կենտրոնում, և նշվում են գաղափարների, երևույթների, անձերի ընդհանրությունները, իսկ չհատվող մասերում առանձնացվում և շեշտվում են նրանց առանձնահատկությունները: Այս մեթոդը

⁹ Կառուցվել է հեղինակի կողմից

¹⁰ Ուսուցման ժամանակակից մեթոդներ, հնաներ, վարժություններ, Վանաձոր, 2008թ

կիրառում են տարբեր ժամանակահատվածներ, թագավորների գործունեություններ, ճակատամարտեր համեմատելիս:

Դասի մասնակցային սկիզբ ապահովող լավագույն մեթոդներից մեկը մտագրոհն է¹¹: Մտագրոհի միջոցով ուսուցիչը դասարանից հավաքում է մտքեր տվյալ թեմայի վերաբերյալ, ընդ որում՝ մտագրոհի ժամանակ կարևոր է մտքերի քանակը, աշակերտները առանց երկար մտածելու պատասխանեն ուսուցչի հարցին, որպեսզի ուսուցչի համար պարզ դառնան նաև այն սխալ պատկերացումները, որոնք թեմայի վերաբերյալ ունեն աշակերտները:

Խմբի անդամների առջև կոնկրետ խնդիր է դրվում, նրանցից յուրաքանչյուն արտահայտում է սեփական տեսակետները՝ առանց որևէ մեկնաբանություն տալու փորձի¹²: Բոլոր մտքերն ու գաղափարները գրանցվում են մաքուր թղթի կամ գրատախտակի վրա : Այս մեթոդով աշխատելիս գոյություն ունեն որոշակի կանոններ, դրանք են՝

- **Ցանկացած քննադատության բացակայություն**՝ մտքերի ազատ հոսք կարող

է լինել միայն այն ժամանակ, երբ բացակայում է քննադատության վտանգը: Դա կարող է լինել բացահայտ բացասական գնահատականը, քննիծաղը, կողմնապահությունը: Չի կարելի ցույց տալ, որ որևէ մեկի արտահայտած միտք իմաստ չունի, անտեսել ինչ-որ մեկի կատարած ներդրումը:

- **Գաղափարների խրախուսում**՝ պետք է խրախուսել շատ և բազմատեսակ մտքեր արտահայտելը, շեշտը դրվում է արտահայտվող մտքերի քանակի, այլ ոչ թե որակի վրա:


- **Մասնակիցների հավասարություն**՝ մտքերի տարափը հերթականություն կամ չափ սահմանել չի ենթադրում: Անհրաժեշտ է մտածել ինչ-որ հերթականության մեխանիզմ, որպեսզի մտքերն արտահայտելիս չլինի որևէ մեկի կողմից մտքերի գերակայություն:

Ամբողջ դասարանի մասնակցությամբ մեթոդը կիրառելիս գրանցումները գրատախտակին կարող է կատարել ուսուցիչը կամ աշակերտներից մեկը:

Հաջորդ գծապատկերում ներկայացնում մտագրոհի մեթոդի կիրառման մի օրինակ, որը իրականացրել են յոթերորդ դասարանի հայոց պատմության դասաժամին: Դասարանում գրատախտակին գրել ենք մտագրոհի բառը և աշակերտները իրականացրել են մեթոդը:

¹¹ ՈՒՍՈՒՑՄԱՆ ԱՐԴՅՈՒՆԱՎԵՏ ՀՆԱԲՆԵՐ, Երևան, 2020թ

¹² ՈՒսուցման ժամանակակից մեթոդներ, հնարներ, վարժություններ, Վանաձոր, 2008թ




Գծապատկեր 1 Աշոտ II թագավորի ներկայացումը մտազրոհ մեթոդով

Իսկ երբ աշխատանքն ավարտում ենք մեկ այլ մասնակից պարտավորվում է գրառումները ներկայացնել ամբողջ դասարանին: Գրառումները ընթերցվում են բոլորի համար և հետո սկսում ենք դրանք վերլուծություն անել:

Հաջորդ մեթոդը, որը դասը սկսելու շատ հայտնի հնար է դա ԳՈԲՄ մեթոդն է¹³: Դասասկզբում գծում են M-աձև աղյուսակ, որի ձախ սյունակում գրում են գիտեն, կենտրոնում՝ ուզում են իմանալ, աջ սյունակում՝ սովորեցի բառերը: Դասի թեման հայտնելուց հետո դիմում են աշակերտներին հետևյալ հարցով՝ ի՞նչ գիտեք այս թեմայի, հասկացության մասին: Ապա լրացվում է գիտեն սյունակը: Հաջորդիվ աշակերտներին հարցնում են՝ ի՞նչ եք ուզում իմանալ այդ թեմայի մասին: Եվ լրացնում են ուզում են իմանալ սյունակը: Դասի վերջում լրացվում է սովորեցի սյունակը:

¹³ ՈՒՍՈՒՑՄԱՆ ԱՐԴՅՈՒՆԱՎԵՏ ՀՆԱՐՆԵՐ, Երևան, 2020թ



Հաջորդ մեթոդը «հաստ» և «բարակ» հարցերի աղյուսակն է, որը միտված է գիտելիքների ստուգմանը, սպա համապատասխան կարողությունների և հմտությունների ձևավորմանը:

Նյութը ուսումնասիրելուց հետո հաճախ դասարանը բաժանում են խմբերի և առաջարկում են լրացնել նմանատիպ աղյուսակ: Կառուցվածքը ներկայացված է հաջորդիվ:

«հաստ» հարցեր	«բարակ» հարցեր
Բացատրեք ինչ՞ու ...	Ո՞վ
Ինչ՞ու եք մտածում, որ ...	Ի՞նչ
Ո՞րն է տարբերությունը ...	Ե՞րբ
Ենթադրենք՝ ի՞նչ կլինի, եթե ...	Ճ՞իշտ է արդյոք
Ի՞նչ, եթե ...	Ինչպե՞ս անվանել

Այսպիսով, պատմության դասերին կարող ենք կիրառել տարբեր տեսակի մեթոդներ քննադատական մտածողությունը զարգացնելու նպատակով: Այս մեթոդները կնպաստեն, որ աշակերտները կարողանան օբյեկտիվորեն գնահատել սեփական և այլ մարդկանց մտքերը, համակողմանիորեն ստուգեն բոլոր առաջացած դիրքորոշումները և եզրակացությունները:

ԵԶՐԱԿԱՑՈՒԹՅՈՒՆ

Այսպիսով՝ թեմայի ուսումնասիրության արդյունքում կարող ենք ասել, որ պատմության դասերին կիրառված մեթոդները և հնարները նպաստում են աշակերտների քննադատական մտածողության զարգացմանը:

Քննադատական մտածողությունը օգնում է մարդուն որոշել իր առաջնահերթությունները անձնական և մասնագիտական կյանքում, ստանձնում է անհատական պատասխանատվություն կատարած ընտրության համար, բարձրացնում է տեղեկատվության հետ աշխատելու անհատական մշակույթի մակարդակը, ձևավորում է վերլուծելու և ինքնուրույն եզրակացություններ անելու կարողություն, ինչպես նաև թույլ է տալիս զարգացնել երկխոսության մշակույթը համատեղ գործունեության մեջ: Տիրապետելով քննադատական մտածողության՝ մարդը, ծանոթանալով որոշակի գաղափարների, դիտարկում է դրանց իրականացման հնարավոր հետևանքները:

Քննադատական մտածողությունը զարգացնելու նպատակով առաջարկվում է՝ զարգացնել ինքնուրույն աշխատանքի հմտությունները, դասապրոցեսի ընթացքում կիրառել տարբեր մեթոդներ, որքան բազմազան լինեն մեր աշխատանքի ձևերն ու մեթոդները, այնքան մեծ է հավանականությունը, որ երեխան չի ձանձրանա դասին:

Օգտագործված գրականություն

- Ա. Անափիոսյան, Քննադատական մտածողություն ձևավորող կրթությունը որպես կանխակալ մտածողության արդյունքում ծագած հակասությունների կարգավորման գրավական, 2012
- Ուսուցման ժամանակակից մեթոդներ, հնարներ, վարժություններ, Վանաձոր, 2008թ
- Ուսուցման արդյունավետ հնարներ, Երևան, 2020թ
- Кабанова – Меллер Е.Н. Формирование приёмов умственной деятельности умственного развития учащихся. – М.: Просвещение, 1968
- Клустер Д. Что такое критическое мышление.—М. : ЦГЛ, 2005
- КОСТЯКОВ О.С. , Приемы технологии развития критического мышления на уроках истории и обществознания, Республики Крым
- Dewey J., How we think, Boston, 1910
- <http://evolkov.net/critic.think/basics/delphi.report.html> 25.09.22
- https://xn--j1ahfl.xn--p1ai/library/tehnologiya_razvitiya_kriticheskogo_mishleniya_na_uroka_193114.html
27/09/22